


TEZAUUR LITURGIC

6 IANUARIE

ACATISTUL BOTEZULUI DOMNULUI



MOSCOVA, 2000



Акафист

Богоявлению Господню

Кондак 1

Возбраннѣй Воеводо, Царю неба и земли, Тебѣ Просветителя нашего зряще во Иорданѣ от раба крещаема, небеса ужасошася, и вся земля вострепета, Ангели же удивишася и вся тварь возрадовася. Мы же недостойнии благодарственно Тебѣ вопиѣм: ко грѣшником и мытарѣм явился еси, да водами омыеши человеков грехи.

Слава Тебѣ, Сыне Божий, во Иорданѣ Крестивыйся и весь мир просвещей, слава Тебѣ.

Икос 1

Ангельския днесь предгрядите силы, Владыку Христа зряще, ко Иорданским струям грядуща Адамов грех очистити, и смотряще толикое Божие таинство, со страхом прославите велие снисхождение Его, яко Бог человеком уподобися и отнюдь не ведый греха приходит, яко Агнец Божий взяти всего мира грехи. Сего ради прославляюще Божественное явление Христово,

воспойте Ему́ якоже и в Вифле́еме славосло́вия сицева́я:

Сла́ва Тебе́, Сы́не Бо́жий, от Отца́ с небесе́ в ми́р сей прише́дый; сла́ва Тебе́, Превы́шний Бо́же, да́же до ра́биа зра́ка снизше́дый.

Сла́ва Тебе́, Спаси́телю ми́ра, я́ко челове́к ко Ио́анну креститися гряды́й; сла́ва Тебе́, Просвети́телю тва́ри, я́ко но́в Ада́м па́дшаго Ада́ма грехи́ на Себе́ понесы́й.

Сла́ва Тебе́, Безнача́льный Све́те, ве́лию зарю́ просвеще́ния все́му ми́ру на Иорда́не возсия́ти восхоте́вый; сла́ва Тебе́, Со́лнце Пра́вды, светоно́сное у́тро благода́ти челове́ком в Богоявле́нии Твоём дарова́ти возжела́вый.

Сла́ва Тебе́, ми́р от дре́вния преле́сти омы́ти прише́дшему; сла́ва Тебе́, ве́лие благоче́стия та́инство на́м показав́шему.

Сла́ва Тебе́, чудеса́ ве́лия на́м вода́ми мно́гими сотвори́вшему; сла́ва Тебе́, небеса́ и всю зе́млю све́том ра́зума просвети́вшему.

Сла́ва Тебе́, фара́она мы́сленнаго в струя́х Иорда́нских пото́пившему; сла́ва Тебе́, но́вья лю́ди в вода́х креще́ния к ве́чной жи́зни приве́дшему.

Сла́ва Тебе́, Сы́не Бо́жий, во Иорда́не
Крести́выйся и ве́сь ми́р просвеще́й, сла́ва Тебе́.

Конда́к 2

Ви́дев ду́хом Боже́ственный Предте́ча Твое́,
Христе́, в ми́р прише́ствие, прииде́ из пусты́ни
на Иорда́н, све́тло лю́дем вопия́: Прибли́жися и
яви́ся Избавле́ние на́ше, пока́йтеся и водо́ю
очи́ститеся, и срести́ Его́ потщи́теся, да чи́стыми
помы́шлени́и просвеща́еми, душа́ми чи́стыми и
нескве́рными усты́ с весе́лием воспойте́ Ему́:
Аллилу́иа.

И́кос 2

Ра́зум небе́сный в себе́ явля́я, свети́льник Све́та,
вели́кий Предте́ча, возопи́ к лю́дем: Очи́ститеся,
се́ бо предгряде́т Христо́с от тли́ ми́р избавля́я,
разрешити́ осужде́ние Ада́ма Первозда́ннаго. Да
возра́дуется пусты́ня Иорда́нова и да процвете́т,
я́ко крин, земля́ же вся́ ны́не проро́чески да
возра́дуется. Угото́вайте пу́ть Госпо́день и пра́вы
сотвори́те стези́ Бо́га на́шего, вси́ с весе́лием
возопи́йте Ему́ та́ко:

Сла́ва Тебе́, неизрече́нный Све́те, от
свети́льника ми́ру предьявле́нный; сла́ва Тебе́,
Непостижи́мый Сло́ве, от гла́са Твоего́
Предте́чею предрече́нный.

Сла́ва Тебе́, Огню́ чи́стительный, Егóже дéйстви́ем вся́кая нечи́стота́ потре́бляется; сла́ва Тебе́, Исто́чнице Благода́тный, И́мже вся́кое естество́ челове́ческое освяща́ется.

Сла́ва Тебе́, Тво́рче не́ба и земли́, от раба́ крестити́ся восхоте́вый; сла́ва Тебе́, Сы́не Единоро́дный, на Иорда́н яви́тися изво́ливый.

Сла́ва Тебе́, Царю́ Пра́вды, у Него́же Предте́ча реме́нь сапогу́ разрешити́ убо́яся; сла́ва Тебе́, Влады́ко тва́ри, И́мже ве́сь ро́д челове́чь в Креще́нии Твоём́ возвесели́ся.

Сла́ва Тебе́, Преве́чный Бо́же, я́ко Явле́ние Твое́ просвеща́ет и вразумля́ет младе́нцы; сла́ва Тебе́, Све́те ми́ра, я́ко прише́ствие Твое́ просветля́ет и умудря́ет слепцы́.

Сла́ва Тебе́, я́ко у Тебе́ Исто́чник живота́; сла́ва Тебе́, я́ко во све́те Твоём́ у́зрим све́т.

Сла́ва Тебе́, Сы́не Бо́жий, во Иорда́не крестивы́йся и ве́сь ми́р просвеще́й, сла́ва Тебе́.

Конда́к 3

Си́лу Божества́ Твоего́, Христе́, уразуме́в Предте́ча, егда́ со стра́хом уви́де Тя́ на Иорда́н прише́дша, раду́ется душе́ю и трепе́щет, руко́ю показу́я Тя́, и глаго́лет лю́дем: Се́й — избавля́й

ми́р от ислѣ́ния. Се́й — свобо́ждай нас от ско́рби. Се́й — вмѣ́сто рабо́в, сы́ны Бо́жии нас соде́ловает. Се́й — вмѣ́сто тьмы́ просвѣща́ет челове́ки водо́ю Боже́ственнаго Крещѣ́ния. Се́ — А́гнец Бо́жий Взѣмля́й грехи́ ми́ра, Его́же сретáюще, вопи́ем: Аллилу́иа.

И́кос 3

Име́я бога́тство милосѣ́рдия, ко грѣшником и мыта́рем на Иорда́нскую реку́ пришѣ́л еси́, Иису́се, не терпѣ́л бо еси́ зрѣ́ти от диа́вола мучи́мый род челове́чь, но пришѣ́л еси́, да па́ки рече́ши па́дшему Ада́му: «Где́ еси́? Не скрыва́йся от Мене́. Хо́щю́ бо видети́ тя, а́ще на́г еси́ и ни́щ, и та́ко уподо́бихся тебе́, да не стыди́шися». Сего́ ра́ди проповѣ́дуем ве́лие снисхожде́ние Твое́, вопи́юще Тебе́ такова́я:

Сла́ва Тебе́, Па́стырю До́брый, заблуждшее овча́ взыска́ти восхоте́вый; сла́ва Тебе́, Сы́не Единоро́дный, понести́ то́е на ра́мех пришѣ́дый.

Сла́ва Тебе́, Мило́сте Безме́рная, к челове́ком па́дшим до́лу низше́дый; сла́ва Тебе́, Любы́ Неизрече́нная, лю́ди отча́янные па́ки горе́ возведы́й.

Сла́ва Тебе́, ру́ки осла́бленны́я ни́щим укрепля́й; сла́ва Тебе́, ко́лена разсла́бленны́я убо́гим исцеля́й.

Сла́ва Тебе́, пусты́ню жа́ждущую́ я́ко Лива́н возвесели́вый сла́ва Тебе́, пусты́ню Иорда́нову, я́ко Карми́л произрасти́вый.

Сла́ва Тебе́, Ми́лостиве, я́ко льна́ куря́щаяся не угаси́ши; сла́ва Тебе́, Долготерпели́ве, я́ко трóсти сокруше́нны́я не погубля́еши.

Сла́ва Тебе́, взыска́ти и спасти́ поги́бши́я прише́дый; сла́ва Тебе́, Ада́ма отрино́венна́го призва́ти восхоте́вый.

Сла́ва тебе́, Сы́не Бо́жий, во Иорда́не крестивы́йся и ве́сь ми́р просвеще́й, сла́ва Тебе́.

Конда́к 4

Бу́рею помышле́ний сумни́тельных испо́лнен бы́сть Предте́ча, Христе́ Царю́, егда́ Ты, я́ко челове́к на реку́ пришёл еси́ и ра́бское креще́ние от него́ прия́ти восхотёл еси́, глаго́ля: простри́ ру́ку твою́ и прикосни́ся верху́ Моему́ и у́жас ве́сь оттряси́, соверша́я повеле́нное. Тре́петен бы́сть тогда́ Предте́ча и возопи́, глаго́ля: Что́ к рабу́ пришёл еси́, скве́рны не имы́й, Го́споди? Что́ ми́ повелева́еши, я́коже вы́ше мене́? Вы́соты́ небе́сны́я ника́коже изсле́дих зве́зд число́, ниже́

зѣмлю николи́же измѣрих. Ка́ко крещу́ Нося́щаго
го́рстию тва́рь? Ка́ко просвети́т свети́льник
Свѣта? Ка́ко ру́ку положи́т ра́б на Влады́ку? А́з
тре́бую Тобо́ю крестити́ся, да воспою́ Тебе́:
Аллилу́иа.

И́кос 4

Слы́ша Чело́веколю́бец Госпо́дь смире́нных
Предте́чевых глаго́л вы́соту и ви́дев стра́х его́,
рече́ к нему́: до́бре, о Ио́анне, я́ко благоговѣеши
предо́ Мною́, оба́че оста́ви ны́не и отложи́ боя́знь
твою́, до́лжен еси́ послужи́ти Ми́, та́ко бо
подоба́ет на́м испо́лнити вся́ку пра́вду, да во
Мне́ чело́веков очисти́тся греси́. Сему́
чело́веколю́бному сло́ву Твоему́ внемлю́ще, с
любо́вию вопи́ем Тебе́ си́це:

Сла́ва Тебе́, Христе́, Свѣте́ и́стинный, я́ко
ми́лость и и́стина о тебѣ́ срето́стися; сла́ва Тебе́,
Царю́ пра́вды, я́ко пра́вда и ми́р о тебѣ́
облобыза́стися.

Сла́ва Тебе́, Сладча́йший Иису́се, я́ко и́стина
Твоя́ в Вифле́еме от земли́ возсия́; сла́ва Тебе́,
Всеми́лостивейший Спа́се, я́ко пра́вда Твоя́ во
Иорда́не с небесе́ прини́че.

Сла́ва Тебе́, Очи́щение на́ше, я́ко вода́ми
креще́ния на́с па́че сне́га убе́ляеши; сла́ва Тебе́,

Просвещѣние наше, яко струями благодати сердце чисто в нас созидаети.

Слава Тебе, преклонивый снизхождением Небеса, главу Свою под руку Предтечеву преклонити восхотевый; слава Тебе, Покрываая водами превыспрення Своя, в водах Иорданских погрузитися благоволивши.

Слава Тебе, Господи сил, Егоже вся боятся и трепещут, велию боязнь Предтече отложити повелевый; слава Тебе, щедрот Отче, у негоже милость безмерна и неизследованна, милостию Своею грехи мира покрыти изволивый.

Слава Тебе, рождейся от Девы, Спасителю наш, посети нас неизреченным снизхождением Твоим; слава Тебе, явлейся всему миру, Христе Боже наш, освяти нас Божественным явлением Твоим.

Слава Тебе, Сыне Божий, во Иордане крестивыйся и весь мир просвещей, слава Тебе.

Кондак 5

Боготечная Струя сый благости, Господи, в струи Иорданския возшел еси, да водами омыеши человеческий грех: Ужас бе видети Творца небеси и земли в реце обнажшагося и от раба крещение приемлющаго. Ангельския силы

дивляхуся, Йордан же река возвращаше струи свои, не могуще терпети огня поядающего воды его, яко не обычно ему есть Чистаго измывати и Безгрешнаго отирати. Сего ради веселися Йордане реко, и да радуются источницы и езера, и вся бездны и моря, яко освятися днесь водное естество, свободившеся от таящагося тамо князя тьмы, и вся тварь веселящеся да поет с нами: Аллилуиа.

Икос 5

Видев Тя Божественный Иоанн Владыку твари в водах погружаема, да грехи всего мира погрузиши, и, обнажившагося, да Адамову наготу паки облечеши во одежду славы, вострепета душею и возопи Тебе, Агнцу Божию, очищающему согрешения мира: «Не смею прикоснуться верху Твоему, Владыко, Сам мя освати и просвети, яко Ты еси Живот и Свет и Мир миру». Обаче по глаголу Твоему со страхом возложи десницу свою на Божественную главу Твою, и крестив Тя, Безгрешна суща, с радостию возопи Тебе сице:

Слава Тебе, Агнче Божий, грехи всего мира взяти на Себе пришедый; слава Тебе, Спасе

Милосердый, грехи всех человек потопити в водах Иорданских восхотевый.

Слава Тебе, нас от скверны греховныя омывый; слава Тебе, преступление Адамово разрешивый.

Слава Тебе, Твоим на земли Богоявлением всех человек возвеселивый; слава Тебе, Твоим во Иордане Крещением весь мир просветивый.

Слава Тебе, нас ради до образа рабскаго обнищавшему; слава Тебе, Твоею ницетою нас Обогадившему.

Слава Тебе, вражие владычество Твоим смирением до конца низложившему; слава Тебе, Царство Божие во Твоем крещении яве на земли созидати начавшему.

Слава Тебе, путь Спасения на Иордане падшим людем показавшему слава Тебе, Свет Боговедения тамо верным Твоим возсиявшему.

Слава Тебе, Сыне Божий, во Иордане крестивыйся и весь мир просвещей, слава Тебе.

Кондак 6

Проповедник дивный и Предтеча Иоанн многая изрече приходящим людем, во еже уготовати Тебе путь, Господи, обаче умолче, Тебе на

Иорданъ пришѣдшу, занѣ Ты Самъ рекъ еси ему: «Не глаголю тебе: рцы Ми, яже глаголеши беззаконнымъ и учиши грѣшники, точию крестити Мя молча». Не подобаше бо гласу человеческому возглашати, пришѣдшу Слову Божию и толикому таинству совершающемуся, егда Ангели Божии со страхомъ предстояху и вся тварь вострепета. Сего ради и мы в молчании глубокемъ и со многымъ благоговѣниемъ вопиѣмъ въ сердце своемъ: Аллилуиа.

Икосъ 6

Воссия на Иорданѣ всему миру просвѣщеніе велие и таинство страшное егда, Владыко Христе, крестився отъ Иоанна, Ты абие возшелъ еси отъ воды, «совозводя съ собою миръ», и се отверзшася Тебѣ небеса, яже древле Адамъ затвори себѣ и сущимъ отъ него, да паки возрожденіи Тобою человецы восхожденіе улучатъ въ райскія обители, идеже съ радостию да воспоятъ Тебѣ сице:

Слава Тебѣ, Царю мира, средостеніе вражие разрушившему; слава Тебѣ, милости Подателю, рай преслушаніемъ затворенный, паки отверзшему.

Сла́ва Тебе́, не́бо грехо́м заклю́ченное, на Иорда́не па́ки отве́рзсто показавшему; сла́ва Тебе́, А́нгелы восходя́щая и нисходя́щая отсе́ле яви́ти обетова́вшему.

Сла́ва Тебе́, схожде́нием Твои́м небеса́ до земли́ приклони́вшему; сла́ва Тебе́, креще́нием Твои́м зе́млю до небес возве́дшему.

Сла́ва Тебе́, открове́нием небес неизрече́нный та́йны Бо́жия все́му ми́ру открыв́шему; сла́ва Тебе́, явлéнием го́рняго ми́ра Святе́йшее благослове́ние Бо́жие все́м ве́рным препода́вшему.

Сла́ва Тебе́, небеса́ при Или́е заклю́чившему, не заключа́й на́м двéри милосе́рдия Своего́; сла́ва Тебе́, небеса́ на Иорда́не отве́рзшему, отве́рзи на́м вхо́ды Боже́ственного Черто́га Твоего́.

Сла́ва Тебе́, бе́здну человеколю́бия при Креще́нии Твоём на́м явив́шему, возведи́ от бе́здн земли́ все́х до вра́жия отча́яния доше́дших.

Сла́ва Тебе́, восхо́д до тре́тьяго небесе́ избра́нным Твои́м сотвори́вшему, вознеси́ в небесны́я оби́тели и на́с, до глубины́ греха́ ниспа́дших.

Сла́ва Тебе́, Сы́не Бо́жий, во Иорда́не крестивы́йся и ве́сь ми́р просвеще́й, сла́ва Тебе́.

Конда́к 7

Хотя́й Чело́веколюбе́ц Го́сподь спасти́ ми́р во гресе́х погиба́ющий, яви́ Тро́ического Богоявле́ния Своего́ вели́кое та́инство, и я́коже в нача́ле мирска́го бы́тия Ду́х Бо́жий ноша́шеся верху́ во́ды, я́ко жи́зни Подате́ль, та́ко и при креще́нии Твоём, Го́споди, егда́ на реце́ Иорда́нстей восхоте́л еси́ обновити́ и просветити́ погиба́ющий ро́д челове́чь и всю́ тва́рь с на́ми совозды́хающую, То́й же Ду́х Святы́й па́ки сни́де с небеси́ отве́рста в ви́де голу́бине и почи́ над Тобо́ю, Го́споди, я́ко над но́вым Ада́мом, во е́же пребы́вати отны́не в но́вых лю́дех ба́нею водо́ю возрожде́нных, да та́ко си́лою свы́ше облече́ннии во обновле́ние ду́ха ходити́ начну́т, пою́ще Бо́гу: Аллилу́иа.

И́кос 7

Но́вую показа́л еси́ тва́рь, Влады́ко тва́ри, в Твоём от Ио́анна спаси́тельном креще́нии, зане́ я́ко при Но́и пото́пил еси́ грехи́ пе́рваго ми́ра, та́ко и в вода́х Иорда́нских па́ки пото́пил еси́ всего́ ми́ра грехи́, новотвори́ши бо земно́родны́я огне́м и Ду́хом и водо́ю, стра́нное соверша́я

возрождѣніе и обновленіе чудное. Духом бо новотвориши души, водою же освящаеши тело, назидая человека, и тако таинственно от воды соделоваеши Духом многочядну Церковь, да присно вопиѣм Тебѣ таковая:

Слава Тебѣ, Создателю твари, небеса приклонившему и на Иордан снишедшему; слава Тебѣ, Спасителю мира, небеса отверзшему и Духа Божественнаго нам явившему.

Слава Тебѣ, Всеблаже, яко Дух Твой Благий наставит нас на землю праву; слава Тебѣ, Всещедре, яко Тойже Дух Твой очистит нас от всякия скверны.

Слава Тебѣ, водою и Духом, обветшавшее грехом естество наше обновившему; слава Тебѣ, огнем Божества в струях Иорданских многосветлое просвещеніе даровавшему.

Слава Тебѣ, Христѣ, вся Божественныя силы, яже к животу и благочестию, Духом Твоим Святым при крещеніи верным преподавшему; слава Тебѣ, Иисусе, Нисшествием Духа Твоего Святаго причастники нас Божественнаго естества Сотворившему.

Слава Тебѣ, почившим на Тебѣ Духом Премудрости и Разума чистое Боговедение

лю́дем открыв́шему; сла́ва Тебе́, схожде́нием на Тя́ Ду́ха Бо́жия ду́х сове́та и кре́пости, ве́дения и благоче́стия и ду́х стра́ха Бо́жия на́м излив́шему.

Сла́ва Тебе́, Иорда́нскою струе́ю змиевы́ главы́ опали́вшему; сла́ва Тебе́, явле́нием Ду́ха Бо́жия в ви́де голу́бине к голу́бине́й кро́тости и чистоте́ де́вственной на́с призва́вшему.

Сла́ва Тебе́, Сы́не Бо́жий, во Иорда́не крестив́ыйся, и ве́сь ми́р просвеще́й, сла́ва Тебе́.

Конда́к 8

Стра́нно и дивно́ бы́сть явле́ние святы́я Тро́ицы на Иорда́не: пе́рвое Сы́н Возлю́бленный яви́ся во плóти от раба́ крещаемый, а́бие Ду́х Святы́й сни́де в ви́де голу́бине, последи́ же Пребоже́ственный Оте́ц возгласи́ с небесе́, свидете́льствуя: «Се́й е́сть Сы́н Мо́й Возлю́бленный, о нём же благоволи́х». О, ве́лие и пресла́вное та́инство: «Возгреме́ с небесе́ Госпо́дь и Вы́шний даде́ глас Сво́й», да сбуде́тся Дави́да праотца́ предрече́ние: «Глас Госпо́день на вода́х, Бо́г Сла́вы возгреме́, Госпо́дь на вода́х мно́гих. Глас Госпо́день в кре́пости, Глас Госпо́день в велико́лепии». Сего́ ра́ди и мы́ недостойны́ми уста́ми вопие́м Тебе́ из глуби́ны души́: Аллилу́иа.

И́кос 8

Весь еси́ в вы́шних, Иису́се, вы́ну со Отце́м на небесе́х соседа́й, но и от ни́жних ника́коже отста́еши, плоти́ю от Чи́стыя Де́вы в Вифле́еме ро́жданный, ны́не же на Иорда́не все́му ми́ру яви́выйся, да су́щии во тьме́ и сени́ сме́ртней се́дящия просвети́ши све́том Твоего́ Богда́вления. Сего́ ра́ди, просвети́вшееся све́том Тро́ического Откро́вения, вопие́м Тебе́, яви́вшемуся Бо́гу, и на землѣ ви́денному и просвети́вшему ми́р:

Сла́ва Тебе́, Сы́не Бо́жий, в Вы́шних со Отце́м и Ду́хом покланя́емый; сла́ва Тебе́, Сы́не Оте́чь, Предте́чею от ни́жних славосло́вимый.

Сла́ва Тебе́, седый о́десную́ Отца́, Оте́ческим гла́сом с небеси́ пропове́данный сла́ва Тебе́, воплоти́выйся на́с ра́ди, возлю́бленным Сы́ном Бо́жиим от Того́ все́му ми́ру наимено́ванный.

Сла́ва Тебе́, во Иорда́нских струя́х явле́нный, Тро́ицы Све́т незаходи́мый в Креще́нии Твое́м Показа́вый; сла́ва Тебе́, длáнию раба́ креще́нный, на́с рабо́в су́щих ба́нею пакибы́тия сы́ны Бо́жия сотвори́вый.

Сла́ва Тебе́, Исто́чнице жи́зни и безсме́ртия, па́ки ро́ждением водо́ю и Ду́хом к пе́рвому

благородію райскому нас приведи́й; сла́ва Тебе́, Тво́рче не́ба и земли́, о́гненным креще́нием но́вое не́бо и зе́млю правды Твоея́ устро́ити гряды́й.

Сла́ва Тебе́, Восто́че восто́ков, во тьме́ и сени́ спя́щия Креще́нием Твои́м просвети́вый; сла́ва Тебе́, Све́те от Све́та, Све́т незри́мый Ду́ха Твоего́ в душа́х на́ших возсия́вый.

Сла́ва Тебе́, Царю́ Безнача́льный, чи́стыми струя́ми Креще́ния Твоего́ прародите́льский грех́ всеконече́не омы́вый; сла́ва Тебе́, Влады́ко тва́ри, жа́ждущия лю́ди водо́ю жи́зни ве́чныя всебога́тно напои́вый.

Сла́ва Тебе́, Сы́не Бо́жий, во Иорда́не крестивы́йся и ве́сь ми́р просвеще́й, сла́ва Тебе́.

Конда́к 9

Все́ естество́ А́нгельское удиви́ся вели́кому Твоего́, Христе́, Богоявле́ния та́инству: Ада́ма бо грехо́м ислевша́го обновил еси́ Иорда́нскими струя́ми и главы́ гнездя́щихся та́мо невидимых змиев сокруши́л еси́ во Твоём Креще́нии, и та́ко «глуби́ны бе́здны сатани́нския» откры́л еси́ «дно́», да изба́виши ны́ от тоя́ «глубо́ких во́д», и да начне́ши созида́ти Ца́рство Твое́, не от ми́ра сего́ су́щее, о нём же проро́к Дави́д предрече́,

глаго́ля: «Ца́рство Твое́ — ца́рство все́х веко́в и Влады́чество Твое́ — во вся́ком ро́де и ро́де», е́гоже и мы́ прославля́юще с во́и небе́сными вопи́ем Тебе́: Аллилу́иа.

И́кос 9

Вити́я Божество́нный и А́нгел Бо́жий, Малахи́ей предрече́нный, Вели́кий Предте́ча еди́н то́чию от челове́к сподо́бися, Го́споди, во Твое́м Креще́нии Ду́ха прише́ствие ви́дети и глас О́тческий с небесе́ слы́шати, свиде́тельствующий Твое́ Богосыно́вство, да бу́дет пе́рвый все́му ми́ру пропове́дник Тро́ического Богоявле́ния. То́й во у́трий де́нь свиде́тельствова лю́дем, глаго́ля: «Ви́дех Ду́ха Сходя́ща, я́ко го́лубя с небесе́, и пребы́сть на Нем... И аз ви́дех и свиде́тельствовах, я́ко Сей е́сть Сы́н Бо́жий». Мы́ же се́му богооткрове́нному свиде́тельству вне́млюще, прославля́ем Богоявле́ние Твое́, Христе́, пою́ще Тебе́ такова́я:

Сла́ва Тебе́, Бо́же Предвече́нный, явле́нием Свята́го Ду́ха свиде́тельствованны́ с небесе́; сла́ва Тебе́, А́гнче Непоро́чный, гласом Предте́чи пропове́данны́ на землі.

Сла́ва Тебе́, Кре́посте Высоча́йшая, отве́рзстыми над Иорда́ном небе́сными враты́

затворѣнный рай нам открывшему; слава Тебе, Милосте Предвечная, Крещением Твоим новый мир от вод Иорданских человеком явившему.

Слава Тебе, Царю мира, мир и спасение на земли возвестившему; слава Тебе, Солнце Правды, свет правды Твоея в душах наших возсиявшему.

Слава Тебе, Святаго Духа в Твоем Богоявлении явившему, да чистым духом в небесный чертог Твой совнидем; слава Тебе, Небеснаго Отца в Крещении Твоем нам показавшему, да вси право в Тя верующии сынове Его будем.

Слава Тебе, в Дусе и огне, очерневшее грехом естество наше преславно просвещающему; слава Тебе, водою и Духом истлевшее страстьми неможение наше пресветло очищающему.

Слава Тебе, Богу явльшемуся плотию, весь мир в струях Иорданских обновившему; слава Тебе, вземльшему на себе грехи мира, прародительский грех в водах Крещения потопившему.

Слава Тебе, Сыне Божий, во Иордане крестивыйся, и весь мир просвещей, слава Тебе.

Кондак 10

Спасти́ хотя́й па́дшее и обнища́вшее естество́ на́ше, Христе́ Спа́се, на Иорда́нскую реку́ прише́л еси́ ко грѣшником и мытарѣм и восприя́л еси́ крещѣние от Ио́анна, егда́ крестя́шася вси́ лю́дие, да возмѣши на Себе́ вся, погру́женныя та́мо в вода́х, челове́ков грехи́, я́ко А́гнец Бо́жий и да гото́в бу́деши отселе́ волею́ на заклáние тещи́ искупити́ всего́ ми́ра грехи́ драгоценно́ю кро́вию Твоёю. Сего́ ра́ди и погру́зился еси́ в Иорда́нския струи́, да спогрѣ́бшися та́мо, ко смѣртному крещѣ́нию Себе́ угото́виши, о нёмже ре́кл еси́ ко страда́нию Гряды́й: «Крещѣ́нием има́м крестити́ся и ка́ко томлю́ся, донде́же истя́жут». Сего́ ра́ди благодарственно́ поём Тебе́: Аллилу́иа.

И́кос 10

Царю́ Превѣ́чный Христе́ Иису́се! Ты́ прише́л еси́ на Иорда́н во явлѣ́ние все́му ми́ру, да разреши́ши осужде́ние Ада́ма перво́зданнаго, я́ко Судия́ Всеми́лостивый, Еди́н сердца́ все́х испыту́яй, и да пода́си но́вую жи́знь челове́ком. Сего́ ра́ди чистительную́ лопату́ руко́ю приѣ́м, всеми́рное гумно́ всему́дре очисти́л еси́, разлуча́я, я́ко Па́стырь, о́вцы от ко́злищ.

Сподоби и нам, во имя Пресвятыя Троицы крещенным, десныя части спасаемых в жизни сей всемерно искати, да угодно Тебе будет наше глашение Тебе сицевое:

Слава Тебе, Архиерею, небеса прошедый, в Крещении Твоем всю землю онебесивый; слава Тебе, Пастырю овцам Великий, ко стаду Твоему на Иордан пришедый.

Слава Тебе, землю на водах основавый, всю землю нашу на водах Иорданских благодатию Духа обновивый; слава Тебе, над водами небо утвердидей второе, новое небо Церковь Твою водами Крещения сотворивый.

Слава Тебе, Источнике жизни нашея, на источники спасения жаждущия люди Твоя призвавый; слава Тебе, Проповедниче правды вечныя, духовную жажду нашу без цены и сребра утоливый.

Слава Тебе, яко богат Сый в милости, за премногую любовь нас возлюбил еси; слава Тебе, яко мертвых нас сущих грехми, водами крещения оживотворил еси.

Слава Тебе, струям Иорданским спогребшемуся, да и мы в крещении в смерть и воскресение Тебе спогребемся; слава Тебе,

водами Иорданскими, яко ризою облékшемуся, да и мы́ в свѣтлыя ризы правды и чистоты́ Тобо́ю облечѣмся.

Сла́ва Тебе́, средостѣние вражды́ Плоти́ю Твое́ю разруши́вшему, да и нас, далече в мо́ре су́щих, близ Себе́ устроиши; сла́ва Тебе́, твои́х челове́к во еди́нем Тѣле Твое́м прими́вшему, да и нас странных и пришельцев во еди́ную Це́рковь Бо́жию сози́ждеши.

Сла́ва Тебе́, Сы́не Бо́жий, во Иорда́не крестивыйся и ве́сь ми́р просвеще́й, сла́ва Тебе́.

Конда́к 11

Пе́ние новолѣпное да поёт Тебе́, Христе́, вся́ тва́рь, от Де́вы ро́ждшемуся и днёсь во Иорда́не крестившемуся, лю́дие же вси́ духо́вно да возвеселя́тся, прославля́юще свѣтлое просвеще́ния на́шего торже́ство и с божѣственным Григо́рием да воспою́т, глаго́люще: «Возро́ждѣния вре́мя — возродимся свы́ше, возсозда́ния де́нь — облечѣмся в Но́ваго Ада́ма, просвеще́ния пра́здник — просветимся божѣственне», да во обновле́нии ду́ха ходи́ти начне́м, вы́ну со А́нгелы пою́ще небѣсную пе́снь: Аллилу́иа.

И́кос 11

Свѣтлый и Самосия́нный Свѣте, Христе́,
Соприсносу́щный Свѣте́ Единосущнаго Отца́!
Возже́г посреди́ Иорда́на, я́ко Твою́, свети́льник,
пречи́стую Пло́ть Твою́, Ты́ возсия́л еси́, я́ко
Со́лнце и дарова́л еси́ вселе́нней в Креще́нии
Твое́м ве́лий и незри́мый свѣт Твоея́ благода́ти и
и́стины, просвеща́яй вся́каго челове́ка
гряду́щаго в ми́р, да лю́дие сидя́щие во тьме́ и
се́ни сме́ртной у́зрят свѣт ве́лий и по́йдут по
нему́. Просвети́ убо в вели́кий де́нь Свѣтов и нас
во тьме́ греха́ ещѣ́ блужда́ющих, да
просветля́ясь, обновля́ясь и возвыша́ясь горе́,
воспоём Тебе́ такова́я:

Сла́ва Тебе́, Просвети́телю ми́ра, Ду́хом
Святы́м и огне́м крестити́ прише́дшему; сла́ва
Тебе́, Спаси́телю грѣшных, из глубины́ греха́ нас
воздвигну́ти восхоте́вшему.

Сла́ва тебе́, Безнача́льный и Присносу́щный
Свѣте, скве́рну ду́ш на́ших вода́ми креще́ния
очища́яй; сла́ва Тебе́, Свѣте́ превы́сший все́х
свѣтлостей, во свѣтлостехъ святы́х Твои́х ве́рныя
озаря́яй.

Сла́ва Тебе́, Сла́вы О́тчия Сия́ние, тьму́
невѣдения́ явлѣнием Твои́м разгна́вшему; сла́ва

Тебе́, во Свѣте живы́й непристу́пнем, Свѣт боговѣ́дения Креще́нием Твои́м возсия́вшему.

Сла́ва Тебе́, Свѣте от Свѣта во тьме́ возсия́вый, от тьмы́ грехо́в очисти́ нас; сла́ва Тебе́, Со́лнце Пра́вды, утро́ спасе́ния возвеща́ющее, во свѣте до́брых де́л наста́ви нас.

Сла́ва Тебе́, Невече́рний Свѣте, во Иорда́не возсия́вый, во Свѣте Твоём Свѣт незаходи́мый Пресвяты́я Тро́ицы облиста́й нам; сла́ва Тебе́, о́бразе Пресвѣ́тлый Ипоста́си О́тчия, к чу́дному нестарё́емому животу́ ба́нею пакибы́тия приведи́ нас.

Сла́ва Тебе́, сме́рти Низложи́телю, от ве́чныя сме́рти изба́ви нас; сла́ва Тебе́, живота́ Нача́льниче, к ве́чной жи́зни наста́ви нас.

Сла́ва Тебе́, Сы́не Бо́жий, во Иорда́не крестивы́йся и ве́сь ми́р просвеще́й, сла́ва Тебе́.

Конда́к 12

Благода́ть Бо́жия спаси́тельная все́м челове́ком яви́ся днесь во Твоём Креще́нии, Христе́ Спа́се: прише́л бо еси́ на Иорда́н, Еди́не Чи́стый, очисти́ти челове́ческая согреше́ния и сокруши́ти главы́ гнездя́щихся та́мо змиев, да да́руеши благода́ть креще́ния реши́тельную ду́ш и теле́с на́ших. Сего́ ра́ди с благоче́стием притеце́м

прилежно к пречистым истóчником, да почерпём с веселием воду жизни, благодать бо Духа невидимо подаётся всём вёрно почерпающим ю, и тайная дарования и Дух познания, Спасе, та вси благодарственно воспоём Тебе: Аллилуиа.

Икос 12

Поюще, Христе, Твое спасительное Богоявление, прославляем вси во Иорданских водах от Иоанна Божественное Крещение Твое, поклоняемся неизречённому к падшим человеком снисхождению Твоему и веруем со Предтечею, яко Ты воистину — Агнец Божий, Вземляй на Себе от вод Иорданских грехи всего мира, да омыеши и искупиши их Пречистою Кровию Твоею. Сего ради молим Тя: понеси и наши безчисленные грехопадения и не лиш нас в великий день Светов благодатного возрождения Твоего, да чистым сердцем благодарственно вопиём Тебе сице:

Слава Тебе, Сыне Божий, велий свет к просвещению всего мира в водах Иорданских возсиявшему; слава Тебе, Предвечный Боже, велию благодать и человеколюбие в Крещении Твоём всём человеком явившему.

Сла́ва Тебе́, Спаси́телю заблۇждших, заблۇждшия безпۇтием челове́ки ко Иорда́нским струя́м искати́ прише́дшему; сла́ва Тебе́, Победи́телю жи́зни, но́вую чи́стую жи́знь не по плóти, но во обновле́ние дۇха дарова́ти благоволи́вшему.

Сла́ва Тебе́, Влады́ко Живота́ и сме́рти, жа́ло сме́рти притупи́вшему и нетле́нную жи́знь явлéнием своимъ возсия́вшему; сла́ва Тебе́, Тво́рче не́ба и земли́, го́рнее не́бо и зéмлю на брега́х Иорда́на в Крещéнии Твоёмъ возвесели́вшему.

Сла́ва Тебе́, Царю́ царствующих, я́ко ца́рство ми́ра сего́ отселе́ в Ца́рство Твоё́ начина́ет прелага́тися; сла́ва Тебе́, Го́споди господствующих, я́ко днёсь все́м хотя́щим спасти́ся небеса́ отверза́ются и все́ естество́ на́ше начина́ет убе́лятися.

Сла́ва Тебе́, Спасе́ наш, на Иорда́н прише́дый, спаси́ нас не от де́л пра́ведности, но по вели́цей Твое́й ми́лости; сла́ва Тебе́, Христе́ Бо́же, водно́е естество́ освятивый, жа́ждущую дۇшу мою́ благоче́стия напо́й вода́ми по неизрече́нной Твое́й бла́гости.

Сла́ва Тебе́, Единоро́дный Сы́не и Сло́ве Бо́жий, напитáй сёрдце моё́ явлéнием словéс Твои́х; сла́ва Тебе́, Всеси́льный Бо́же, Твори́й чудеса́ Еди́н, согрeй хла́дную ду́шу мою́ разумéнием чудéс Твои́х.

Сла́ва Тебе́, Сы́не Бо́жий, во Иорда́не крестивыйся и вeсь ми́р просвещeй, сла́ва Тебе́.

Конда́к 13

О, Иисусе́ Христé, А́гнче Бо́жий, пришeдый на Иорда́н подъя́ти всегó ми́ра грехи́! Приими́ ма́лое сиé от всея́ души́ приносимое́ Тебе́ молéние на́ше, и просвети́ нас во тьме́ грехо́в сидя́щих спаси́тельным Твои́м от Иоáнна Крещéнием, да искуплeннии Тобо́ю от болeзней душе́вных и телeсных, во обновлeнии жи́зни пра́во ходи́ти начне́м и со все́ми святы́ми да воспоéм Тебе́: Аллилу́иа.

Этот конда́к чита́ется три́жды, затeм и́кос 1-й и конда́к 1-й.

Моли́тва

Го́споди Иисусе́ Христé, Сы́не Бо́жий Единоро́дный, от Отца́ прeжде все́х вeк рождeнный, Свeте от Свeта, просвещáяй вся́ческая, в послeдняя́ же летá от Пресвяты́я Дeвы Мари́и нетлeнно воплощeнный и в ми́р сей

на спасение наше пришедый! Ты бо не потерпел еси видети от диавола мучима рода человека и сего ради в пресветлый день Богоявления Твоего пришел еси на Иордан ко грешником и мытарем креститися от Иоанна, безгрешен сый, да исполниши всякую правду и да возмеша в водах Иорданских грехи всего мира, яко Агнец Божий, во еже понести я на Себе и искупити Крещением крестным, пречистою Кровию Твоею. Сего ради погрузившуся Тебе в водах, отверзшася Тебе небеса Адамом заключенная и Дух Святой сниде на Тя в виде голубине, просвещение и обожение носяй естеству нашему, и Пребожественный Отец Твой возвести Тебе небесным гласом благоволение Свое, зане сотворил еси волю Его и человек грехи восприял еси и Себе на закляние уже предуготовал еси, якоже Сам рекл еси: «Сего ради любит Мя Отец, яко Аз душу Мою полагаю, да паки приму ю», и тако во всесветлый день сей, Ты, Господи, положил еси начало искупления нашего от грехопадения прародительскаго. Сего ради вся силы небесныя радуются и вся тварь веселится, чающе освобождение свое от рабы исления, глаголюще: Прииде просвещение, благодать явися, избавление наста, мир просветися и

лю́дие ра́достью исполня́ются. Да веселі́тся ны́не не́бо и земля́ и ми́р вѣсь да игра́ет; ре́ки да плещу́т; исто́чницы и езе́ра, бездны́ и моря́ да сра́дуются, я́ко Божѣ́ственным Креще́нием освяті́ся днѣсь естество́ их. Да ра́дуются днѣсь и челове́ков собо́ри, я́ко естество́ их взы́де ны́не па́ки к пе́рвому благо́родию́ и всѣ́ с ра́достью да пою́т: Богоявле́ния вре́мя. Прииді́те мы́сленно на Иорда́н, видѣ́ние ве́лие в нём у́зрим: Хри́сто́с ко Креще́нию грядѣ́т. Хри́сто́с ко Иорда́ну прихо́дит. Хри́сто́с на́ши в воде́ погребаетъ грехи́. Хри́сто́с овча́ похище́ннаго и заблуждшаго прихо́дит иска́ти и обрѣ́т е́ вводитъ в рай.

Сего́ Божѣ́ственного та́инства воспоми́на́ние пра́зднующе, усер́дно мо́лимся Тебе́, Человеколю́бче Го́споди: сподо́би на́м жа́ждущим по гла́су Твоему́ приити́ к Тебе́, Исто́чнику присноживо́тныя воды́, да почерпе́м во́ду благода́ти Твоея́ и оста́вления грехо́в на́ших и да отве́ргшеся нече́стия́ и мирски́х похоте́й; целому́дренно́ и де́вственно, и пра́ведно́ и благоче́стно поживе́м в ны́нешнем ве́це, ждуще́ блаже́ннаго упова́ния и явле́ния сла́вы Твоея́, Вели́каго Бо́га и Спа́са на́шего, да не от де́л на́ших спасе́ши на́с, но по Твое́й ми́лости́ и по обновле́нию Свята́го Ду́ха Твоего́

ба́нею пакибы́тия, Егóже обильно излия́л еси́, да оправди́вшеся благода́тию Егó, насле́дницы бу́дем вѣчныя жи́зни во Ца́рствии Твоём, иде́же со все́ми святы́ми сподо́би на́м просла́вити всесвято́е И́мя Твоё со Безнача́льным Твои́м Отце́м и со Пресвяты́м и Благи́м и Животворя́щим Твои́м Ду́хом ны́не и прісно и во ве́ки веко́в. Ами́нь.

